



KEMENTERIAN SUMBER MANUSIA

KENYATAAN MEDIA

TUDUHAN JAHAT TERHADAP SESI LIBAT URUS AKTA PEKERJA GIG DAN PENJAWAT AWAM, KESUMA BUAT LAPORAN POLIS

1. Kementerian Sumber Manusia telah membuat satu laporan polis berhubung tuduhan yang dibuat oleh seorang pengguna Facebook berkenaan usaha normalisasi unsur pluralisme dan liberalisme dalam program Town Hall Pekerja Gig 2025.
2. Tuduhan ini jelas berniat jahat dan cuba membakar sentimen keagamaan dengan niat untuk mencetuskan kegelisahan awam serta memberi persepsi yang buruk terhadap imej kementerian.
3. Tuduhan jahat ini juga telah menutup tujuan asal program tersebut untuk memperkenalkan satu undang-undang baharu bagi memberi hak dan perlindungan kepada sejumlah 1.12 juta pekerja gig dalam negara ini.
4. Tindakan tersebut juga dilihat cuba menjejaskan kredibiliti penjawat awam di KESUMA yang sedang bertungkus lumus membuat persiapan bagi membentangkan Akta Pekerja Gig 2025 tidak lama lagi.
5. KESUMA sentiasa komited dan menjunjung prinsip Rukun Negara dalam memelihara nilai keterangkuman, perpaduan dan rasa hormat dalam kalangan rakyat Malaysia.

KEMENTERIAN SUMBER MANUSIA
25 FEBRUARI 2025

LAMPIRAN**LATAR BELAKANG KESUMA**

Kementerian Sumber Manusia atau singkatannya KESUMA adalah kementerian yang bertanggungjawab kepada pembangunan kemahiran, pekerjaan, keselamatan dan kesihatan pekerjaan, kesatuan sekerja, perhubungan perusahaan, maklumat dan analisis pasaran buruh dan keselamatan sosial.

PERANAN & TANGGUNGJAWAB KESUMA

Membangunkan dan melahirkan modal insan yang kompeten, produktif, responsif dan berdaya tahan dalam pasaran buruh negara ke arah meningkatkan produktiviti negara. Memastikan kelancaran operasi pasaran buruh negara. Meningkatkan kebolehpekerjaan dan penggajian tenaga kerja tempatan bagi memenuhi keperluan pasaran kerja negara. Memastikan perhubungan perusahaan yang harmoni dan kondusif. Mengutamakan aspek keselamatan dan kesihatan pekerjaan. Memastikan jaringan keselamatan sosial yang komprehensif, dinamik dan progresif.

JABATAN DAN AGENSI DI BAWAH KESUMA

JABATAN	AGENSI
Jabatan Tenaga Manusia (JTM)	Pertubuhan Keselamatan Sosial (PERKESO)
Mahkamah Perusahaan Malaysia (MPM)	Institut Keselamatan Dan Kesihatan Pekerjaan Negara (NIOSH)
Jabatan Pembangunan Kemahiran (JPK)	Human Resources Development Corporation (HRDC)
Jabatan Keselamatan dan Kesihatan Pekerjaan (JKKP)	Talent Corporation Malaysia Berhad (TALENTCORP)
Jabatan Tenaga Kerja Semenanjung Malaysia (JTKSM)	Perbadanan Tabung Pembangunan Kemahiran (PTPK)
Jabatan Perhubungan Perusahaan Malaysia (JPPM)	
Jabatan Hal Ehwal Kesatuan Sekerja (JHEKS)	
Jabatan Tenaga Kerja Sabah	
Jabatan Tenaga Kerja Sarawak	